



新選古今類腋卷之六

為學類一 希聖 稽古 求師 取友 虛心

謹言 慎行

希聖

乾文言曰。君子進德脩業。忠信所以進德也。脩辭立其誠。所以居業也。知至之可與幾也。知終之可與存義也。○蒙彖曰。蒙以養正。聖功也。○係辭曰。易則易知。簡則易從。易知則有親。易從則有功。有親則可久。有功則可大。可久則賢人之德。可大則賢人之業。易



簡而天下之理得矣。天下之理得而成位乎其中矣。多方曰：惟聖罔念作狂，惟狂克念作聖。○君陳曰：九人未見聖，若不克見；既見聖，亦不克由聖。

小雅小旻曰：匪先民是程，匪大猷是經。

家語曾子曰：吾聞夫子之三言，未之能行也。夫子見人之一善，而忘其百非，是夫子之易事也。夫子見人有善，若已有之，是夫子之不爭也。聞善必躬親行之，然後道之，是夫子之能勞也。吾學夫子之三言，而未之能行也。

孝經曰：非先王之法服，不敢服；非先王之法言，不敢道；非先王之德行，不敢行。

子思曰：學必由聖，所以致其材也；勵必由砥，所以致其刃也。故夫子之教，必始於詩書而終於禮樂，雜說不與焉。

孔叢子，子順曰：人皆作之，作之不止，乃成君子；文武欲作堯舜而至焉，昔我先君夫子欲作文武而至焉，作之不變，習與體成，則自然矣。

荀子曰：夫驥一日而千里，駑馬十駕則亦及之矣。將

我欲行而步，豈知
知多而行之乎

曰... 天下為士君子... 我亦何也... 仁多... 迴... 力... 吾... 後... 焉... 矣... 哉...

現書者猶况山... 及水升東岳... 衆山之... 况介丘乎... 而知江河之... 也... 况... 乎...

以窮无窮。極无極歟。其折骨絕筋。終身不可以相及也。將有所止之。則千里雖遠。亦或遲或速。或先或後。胡為乎其不可以相及也。○學惡乎始。惡乎終。曰其義則始乎為士。終乎為聖人。

鷓冠子曰。一日兢兢孜孜。一歲堯舜。一歲兢兢孜孜。一歲堯舜。日日歲歲。與聖同貫。子為堯舜乎。堯舜為子乎。蕩蕩巍巍。復在目中矣。

楊子曰。學者所以求為君子也。求而不得者有矣。未有不求而得者。晞驥之馬。亦驥之乘也。晞顏之人。亦

顏之徒也。或曰。顏徒易乎。晞之則是。遷善也者。聖人之徒歟。百川學海而至於海。丘陵學山而至於山。是故惡夫畫也。○一闕之市。必立之平。一卷之書。必立之師。或曰。焉知是而習之。曰。視日月而知衆星之茂也。仰聖人而知衆說之小也。

潛夫論曰。雖有至聖。不生而智。雖有至材。不生而能。由待學問。其知乃博。其德乃碩。而况凡人乎。夫瑚簋之器。朝祭之服。其始也。乃山野之木。蚕繭之絲耳。及正之以繩墨。制之以機杼。則皆成宗廟之器。黼黻之

章可羞於鬼神。可御於王公。

文中子曰。吾觀千載已上。聖人在上者。未有若周公。為其道則一。而經制大備。後之為改。有所持循。吾觀千載而下。聖人在下者。未有若仲尼。為其道則一。而述作大明。後之脩文者。有所折衷矣。

漢董仲舒。天人策曰。彊勉學問。則聞見博。而知益明。彊勉行道。則德日起。而大有功。

班嗣曰。吾子已貫仁義之羈絆。繫名聲之韁鎖。伏周孔之軌躅。馳顏閔之極摯。既繫學於世教矣。何用大

道為自眩曜。昔有學步於邯鄲者。曾得其髣髴。又復失其故步。遂匍匐而歸耳。

唐韓愈贊曰。愈以六經之文。為諸儒倡。反利以撲剗。偽以真。當其所得。粹然一出於正。要之無牴牾。聖人

者。言無與聖
乖違者

至進諫陳謀。排難卹孤。皇皇於仁義。可

謂篤道君子矣。自佛老顯行。聖道不斷如帶。愈獨喟然引聖。爭四海之惑。始若未之信。卒大行於時。昔孟軻距楊墨。去孔子才同二百年。愈排二家。乃去千餘歲。撥亂反正。功與齊而力倍之。

宋張載曰。學必如聖人而後已。以為知人而不知天。求為賢人而不求為聖人。此秦漢以來學者之蔽也。劉光祖對光宗曰。學之大者。明聖人之道以脩其身。而世方以道為偽。小者治文章以達其志。而世方以文為病。

陳止齋曰。孟軻問子思曰。堯舜文武之道。可學而至乎。子思曰。彼人也。我亦人也。夜思晝行。孳孳焉如農之赴時。商之趣利。惡有不至者乎。

明王文成曰。聖賢之學。明倫而已。外此而學者謂之

異端。非此而論者謂之邪說。假此而行者謂之伯術。

飾此而言者謂之浮辭。背此而馳者謂之功利之徒。

○孔孟之訓。昭如日月。九支離決裂。似是而非者。皆

異說也。有志於聖人之學者。外孔孟之訓而他求。是

捨日月之明而希光於螢燭之微也。不亦繆乎。

陳白沙曰。夫道至無而動。至近而神。故歲而後發。形

而斯存。大抵由積累而至者。可以言傳也。不由積累

而至者。不可以言傳也。智者能知至無於至近。則無

動而非神。歲而後發。明其幾矣。形而斯存。道在我矣。

○夫動已形者也。形斯實矣。其未形者虛而已。虛其本也。致虛之所以立本也。戒慎恐懼所以閑之而非以為害也。然而世之學者不得其說。而以用心失之者多矣。斯理也。宋儒言之備矣。吾嘗惡其太嚴也。使著於見聞者。不睹其真而徒與我嘵嘵也。是故道也者。自我得之。自我言之。可也。不然。辭愈多而道愈窒。楊守陳題講學曰。內得未深。外資未博。如木之方植。而易搖如泉之始導而易塞。

稽古

乾文言曰。君子學以聚之。問以辨之。

說命曰。人求多聞。時惟建事。學於古訓。乃有獲。事不師古。以克永世。匪說攸聞。○微子命曰。王曰。猷。惟稽古。崇德象賢。統承先王。脩其禮物。○周官曰。唐虞稽古。建官惟百。○學古入官。議事以制。政乃不迷。○畢命曰。不由古訓。于何其訓。

大雅烝民曰。古訓是式。○假樂曰。不愆不忘。率由舊章。○大雅蕩曰。匪上帝不時。殷不用舊。雖無老成人。尚有典刑。曾是莫聽。大命以傾。○抑曰。其在于今。興

迷亂于政。顛覆厥德。罔敷求先王。克共明刑。

左傳曰。夫學殖也。不學將落。原氏其亡乎。

曲禮曰。博文強識而讓。敦善行而不怠。謂之君子。

經解曰。溫柔敦厚。詩教也。疏通知遠。書教也。廣博易

良。樂教也。潔靜精微。易教也。恭儉莊敬。禮教也。屬辭

比事。春秋教也。其為人也。溫柔敦厚而不愚。則深於

詩者矣。疏通知遠而不誣。則深於書者矣。廣博易良

而不奢。則深於樂者矣。潔靜精微而不賊。則深於易

者矣。恭儉莊敬而不煩。則深於禮者矣。屬辭比事而

不亂。則深於春秋者矣。

儒行曰。儒有今人與居。古人與稽。今世行之。後世以

為楷。

管子曰。疑今者察之古。不知來者視之往。

荀子曰。不登高山。不知天之高也。不臨深谿。不知地

之厚也。不聞先王之遺言。不知學問之大也。○真積

力久。則入學。至乎沒而後止。君子之學也。入乎耳。著

乎心。布乎四體。形乎動靜。端而言。蹏而動。蹏音軟。一亦動也。

可以為法。則小人之學也。入乎耳。出乎口。口耳之間。

則四寸耳。曷足以美七尺之軀哉。

淮南子曰。窮鄙之社也。叩盆拊瓿。相和而歌。自以為樂矣。嘗試為之擊建鼓。撞巨鍾。乃性仍仍然。知其盆瓿之足羞也。藏詩書。修學。而不知至論之旨。則拊盆扣瓿之徒也。

韓詩外傳曰。不習為吏。視已成。或曰。前車覆而後車不戒。是以後車覆也。故夏之所以亡者。而殷為之。殷之所以亡者。而周為之。故殷可以鑒於夏。而周可以鑒於殷。

揚子曰。說天者莫辨乎易。說事者莫辨乎書。說志者莫辨乎詩。說理者莫辨乎春秋。

論衡曰。夫壯士力多者。扛鼎揭旗。儒生力多者。博達䟽通。故稽古博通。儒生之力也。舉重拔堅。壯士之力也。○夫通人猶富人。不通猶貧人也。俱以七尺為形。通人胃中懷百家之言。不通者空腹無一牒之誦。貧人之内。徒四壁立也。

抱朴子曰。按六經。玩百氏。然後知面墻之至困也。夫人不學而求知。猶願魚而無網焉。心雖勤而無獲也。

古今類用
文中子曰。史之失自遷固始也。記繁而志寡。春秋之失。自歆向始也。棄經而任傳。九師出而易道微。三傳作而春秋散。齊韓毛鄭。詩之末也。大戴小戴。禮之衰也。書殘於古今。詩失于齊魯。○詩書盛而秦世滅。非仲尼之罪也。

薛收曰。六經者。聖人之言。孔子所以發明天人之極也。史道成敗得失。亦足以鑒。然謬於是非。非六經比。史賈誼過秦論曰。前事之不忘。後事之師也。是以君子為國。觀之上古。驗之當世。參以人事。察盛衰之理。

審權勢之宜。去就有常。變化有時。

功臣表曰。居今之世。識古之言。所以自鏡也。

司馬遷曰。有國者。不可以不知春秋。故前有讒而弗見。後有賊而弗知。為人臣者。不可以不知春秋。守經事而不知其宜。遭變事而不知其權。

馮異遺李帙書曰。明鏡所以照形。往古所以知今。

胡廣曰。國有大政。必議之於前。訓資之於故。老是以慮無失策。舉無過事。

陳史曰。九流七畧之書。名山石室之記。汲郡孔堂之

馳騁乎典籍之
義之淵藪樂於
其要者言者又
其要者言者又
其要者言者又
其要者言者又
其要者言者又
其要者言者又
其要者言者又
其要者言者又
其要者言者又

貴尺之璧而重
寸之陰以時難得
而易失也。抱朴
子曰月公上至日
讀百篇仲尼天
從常編三他墨
雀大陽載文盈
車仲舒命世不
窺園門似寬帶
征以扶鋤路生
蒲以寫書黃霸
柱枯以受業寧
子勤身夜以倍
功故能究覽道
與方則微言

書。玉箱金板之文。

隋儒林傳論曰。古語云。容體不足觀。勇力不足恃。族
姓不足道。先祖不足稱。然而顯聞四方。流聲後世者。
其惟學乎。信哉斯言也。若夫篤志不倦。自求諸已。遂
能聞道。下風稱珍席上。或聚徒千百。或服冕乘軒。見
重明時。實惟稽古之力也。

潘徽集禮序曰。曠無隱而不探。事有難而必綜。至於
宋。標綠華垂丹篆。刑名長短。儒墨是非。書圃翰林之
域。理掘談叢之內。詢者所求之餘。侍醫所校之逸。莫

不澄涇辨渭。拾珠棄蚌。

隋經籍志曰。夫經籍也者。機神之妙旨。聖哲之能事。
所以經天緯地。辨陰陽。正紀綱。弘道德。顯仁足以利物。
燕用足以獨善。學之者將殖焉。不學者將落焉。大業
崇之則成欽明之德。匹夫見念則有王公之貴。其王
者之所以樹風聲。流顯號。美教化。移風俗。何莫由乎
斯道也。

北齊文苑傳論曰。謂石為獸。射之洞開。精之至也。積

歲解牛。若然游刃。

若音護皮同相離聲也與騁同從
丰石莊子若然響然奏刀騞然

習之久也。安有至精久習而不成者焉。唐李石曰。古人因事為文。今人因文害事。宋豐稷曰。人君明足以察萬事之統而不可用其明智。足以應變曲當而不可用其智。順考古道。二帝所以聖。儀刑文王。成王所以賢。

潛室陳氏曰。明道以記誦博識為玩物喪志。如何。曰。徒記誦談博。而理學不明。不造融會貫通處。是逐其小者。忘其大者。反以無用之物。累其空明之心。是為玩物喪志。○記問之學。雖博而有限。義理之學。至約而無窮。

元吳澄曰。道之大原出於天。神聖繼之。堯舜而上。道之元也。堯舜而下。其亨也。洙泗鄒魯。其利也。濂洛關閩。其貞也。分而言之。上古則羲黃其元。堯舜其亨。禹湯其利。文武周公其貞乎。中古之統。仲尼其元。顏曾其亨。子思其利。孟子其貞乎。近古之統。周公其元。程張其亨。朱子其利也。孰為今日之貞乎。

求師

蒙彖曰。蒙亨。匪我求童蒙。童蒙求我。初筮告。再三瀆。

瀆則不告。利貞。

仲虺誥曰。能自得師者王。○說命王曰。台音怡我也小子

舊學于甘盤。

小雅鹿鳴曰。我有嘉賓。德音孔昭。視民不怵。音洮偷薄也

君子是則是做。

穀梁傳曰。子既生。不免水火。毋之罪也。成童不就師

傳。父之罪也。就師學問無方。心志不通。師之罪也。

曲禮曰。禮聞取人。不聞取於人。禮聞來學。不聞往教。

○檀弓曰。事師無犯無隱。左右就養無方。服勤至死。

○學記曰。善學者師逸而功倍。又從而庸之。不善學

者師勤而功半。又從而怨之。○不學操縵不能安絃。

不學博依不能安詩。不學雜服不能安禮。操縵博依雜服皆言

退息時當操弄琴瑟絃博求物不興其藝不能樂學。

○師嚴道尊。然後民知敬學。○君子之於學也。歲焉

脩焉。游焉息焉。夫然故安其學而親其師。樂其友而

信其道。是以雖離師傅而不反也。今之教者。呻其佔

覘音畢也畢。多其訊言。及于數進而不顧其安。使人不由

其誠。教人不盡其材。其施之也悖。其求之也拂。夫然

美問者如攻堅未
先其易者。居其
節日及其久也。相
以解善特問者
如撞鐘叩之以小
者則小鳴。以大
者則大鳴。

故隱其學而疾其師。苦其難而不自知其益也。○君
子既知教之所由興。又知教之所由廢。然後可以為
人師也。○君子知至學之難易。而知其美惡。然後能
博喻。能博喻。然後能為師。○鼓無當於五聲。五聲弗
得不和。水無當於五色。五色弗得不章。學無當於五
官。五官弗得不治。師無當於五服。五服弗得不親。
家語曰。孔子適周。問禮于老聃。訪樂於萇弘。
荀子曰。禮者所以正身也。師者所以正禮也。無禮何
以正身。無師。吾安知禮之為是也。禮然而然。則是情

安禮也。師云而云。則是知若是師也。情安禮。知若師
則是聖人也。故非禮。是無法也。非師。是無師也。不是
師法而好自用。是猶以盲辨色。以聾辨聲也。○非我
而當者。吾師也。是我而當者。吾友也。諂諛我者。吾賊
也。故君子隆師而親友。以致惡其賊。

呂覽曰。求師者不化。召師者不化。自卑者不聽。卑師
者不聽。

白虎通曰。黃帝師力牧。顓頊師綠圖。帝嚳師赤松子。
帝堯師務成子。帝舜師尹壽。禹師國先生。湯師伊尹。

文王師呂望。武王師尚父。周公師虢叔。孔子師老聃。天子太子諸侯世子皆就師於外。

或問小知之士。可謂師乎。揚子曰。是何師與。師之貴也。知大知也。小知之師亦賤矣。

文中子曰。度德而師。易子而教。○天地生我而不能鞠我。父母鞠我而不能成我。成我者夫子也。

漢董仲舒天人策曰。今師異道。人異論。百家殊方。指意不同。臣愚以為諸不在六藝之科。孔子之術者。皆絕其道。勿使並進。邪辟之說滅息。然後統紀可一。而

法度可明。民知所從矣。

元帝賜蕭望之詔曰。國之將興。尊師而重傅。

班彪曰。世稱利劍有千金之價。棠谿魚腸之屬。龍泉太阿之輩。其本銚山中之恒劍也。冶工鍛鍊。成為銛利。豈劍有異質哉。工良師巧。鍊一數至也。

宋臧燾曰。人屬從師之志。家就專門之術。藝重當時。所居一旦成市。費舍暫啓。著錄或至萬人。

唐韓愈曰。古之學者必有師。師者所以傳道授業解惑也。人非生而知之者。孰能無惑。惑而不從師。其為

孟子魏明事部
泰曰任師易獲人
師唯德也。素係
之。而附近。希。藍。口
和氏之璞。天下之美
室也。特。能。師。之。工
而後明。先。媼。天下
之美女也。待。香。澤
脂粉。而後。容。用。公
天下之。至。也。待。俟
師。而。不。後。通。口
善。者。若。師。子。元。師
辨。善。舟。若。師。舟。不
師。善。善。也。若。師。心
不。師。聖。也。垂。索。少
而。往。稱。載。而。得。師
質。之。益。乎。被。視。而
入。衣。錦。而。出。友。間

之力。年。雖。有。折
匠。不。指。隱。指。能
者。良。治。不。選。型
竟。見。如。師。友。之
不可。已。也。仲
居。而。非。其。地。而
樹。之。不。生。也。非
其人。而。強。之。非
可。也。得。其。人。如
影。少。而。而。之。非
其人。如。象。聲。而
而。動。之。

惑也。終不解矣。生乎吾前。其聞道也。固先乎吾。吾從而師之。生乎吾後。其聞道也。亦先乎吾。吾從而師之。吾師道也。夫庸知其年之先後。生於吾乎。是故無貴無賤。無長無少。道之所存。師之所存也。
宋周子曰。聖人立教。俾人自易其惡。自至其中而止矣。故先覺覺後覺。闇者求于明。而師道立矣。師道立。則善人多。善人多。則朝廷正。而天下治矣。
程子曰。古之人。得其師傅。故因經以明道。後世失其師傅。故非明道。不能知經。

李愿中曰。聞之天下。有三本焉。父。生之。師。教之。君。治之。闕其一。則本不立。古之聖賢。莫不有師。其肄業之勤惰。涉道之淺深。求益之先後。若存若亡。其詳不可得而考。惟洙泗之門。七十二弟子之徒。議論問答。具在方冊。有足稽焉。

呂東萊曰。歐陽脩有云。古之學者。必嚴其師。師嚴然後道尊。道尊然後薦敬。薦敬然後能自守。自守然後果於用。三代之衰。學校廢。至兩漢。師道尚存。故其學者。各守其經。以自用。是以漢之政理文章。與其當時

之事。後世莫及者。其所從來者深矣。

呂藍田曰。古者憲老而不乞言。憲者。儀刑其德而已。無所事于問也。其次則有問有答。問答之間。然猶不憤則不啓。不悱則不發。又其次則有講有聽。講者不待問也。聽者不敢問也。學至於有講有聽。則師益勤而道益輕。學者之功益不進矣。又其次則有講而未聽。學至於有講而未聽。則無講可矣。

陸象山曰。子雲謂務學而不務求師。師者人之模範。模不模。範不範。為不少矣。

取友

隨文曰。出門交有功。○損文曰。三人行。則損一人。一
人行。則得其友。○兌象曰。麗澤兌。君子以朋友講習。
○係辭曰。二人同心。其利斷金。同心之言。其臭如蘭。

洪範曰。凡厥庶民。無有淫朋。人。無有比德。

鄭風鷄鳴曰。知子之來之。雜佩以贈之。知子之順之。
雜佩以問之。知子之好之。雜佩以報之。○大雅桑柔

曰。瞻彼中林。甡甡其鹿。朋友已譖。不胥以穀。○嗟

爾朋友。予豈不知而作。如彼飛蟲。時弋亦獲。○伐木

曰伐木丁鳥鳴嚶。出自幽谷遷於喬木嚶其鳴矣。求其友聲。相彼鳥矣猶求友聲矧伊人矣不求友生神之聽之終和且平。

學記曰。一年視離經辨志。三年視敬業樂羣。五年視博習親師。七年視論學取友。○獨學而無友則孤陋而寡聞。燕朋逆其師。燕僻廢其學。○相觀而善之謂摩。○儒行曰。儒有合志同方。營道同術。並立則樂相下。不厭。○表記曰。君子之接如水。小人之接如醴。君子淡以成。小人甘以敗。○其所與遊辟也。管仲用盜為臣故云

左傳臧孫曰。季孫之愛我疾疢也。孟孫之惡我藥石也。美疢不如惡石。夫石猶生我。疢之美其毒滋多。

家語孔子曰。吾死之後則商也。日益。賜也日損。曾子曰。何謂也。子曰。商也好與勝已者處。賜也悅不若已者處。不知其子。視其父。不知其人。視其友。不知其居。視其所使。不知其地。視其草木。丹之所藏者赤。漆之所藏者黑。是以君子必慎其所與處者焉。○子產於民為惠主。于學為博物。晏子于君為忠信。而行為敬敏。故吾皆以兄事之。○入而行之不脩。身之罪也。出而

墨子見樂素係者
嘆曰樂于若何者
樂於黃初昔不以
入者變則其色亦
變五入而為五色
矣惟人之樂于人
也亦然。趙與不
友非德之士為家
不交流俗之人毋
將陰初絕乎素
陳確預跡乎素

名不章。友之過也。故君子入則篤行。出則友賢。○上
親賢。則下擇友。○與善人居。如入芝蘭之室。久而不
聞其香。蓋與之化矣。與不善人居。如入鮑魚之肆。久
而不聞其臭。亦與之化矣。丹之不善者本德之不善者
管子曰。吾少窮困時。嘗與鮑叔賈。分財多自與。鮑叔
不以我為貪。知我貧也。吾嘗為鮑叔謀事。而大窮困
不以我為愚。知時有利不利也。吾嘗三仕三見
逐於君。鮑叔不以我為不肖。知我不遭時也。吾嘗三
戰三北。鮑叔不以我為怯。知我有老母也。吾所事公

子糾敗。吾幽囚受辱。鮑叔不以我為無耻。知我不羞
小節。而恥功名不顯於天下也。生我者父母。知我者
鮑叔。

荀子曰。君子生非異也。善假于物也。故君子居必擇
鄉。遊必就士。所以去邪僻而近中正也。○嗜欲得而
信衰於友。

孔叢子曰。一家之中。必有宗老。一介之士。必有密友。
以開心胸。以濟緩急。知無不言。言無不盡。
楊子曰。朋而不心。面朋也。友而不心。面友也。

古今類用
劉歆曰。才非交不用。名非交不發。身非交不立。
白虎通曰。朋友之道有四焉。近則正之。遠則稱之。樂
則思之。患則死之。

論衡曰。蓬生麻間。不扶自直。白紗入緇。不練自黑。其
漸染然也。

諸葛亮曰。勢利之交。難以經遠。士之相知。溫不增華。
寒不改棄。能貫四時而不衰。歷險夷而益固。

梅子曰。君子之交也。以道契親。淡而長存。小人之交
也。以慢狎投。甘而易變。

文中子曰。君子先擇而後交。故寡尤。小人先交而後
擇。故多怨。

劉峻廣絕交論曰。至夫組織仁義。琢磨道德。歡其愉
樂。恤其陵夷。寄通雲臺之下。遺迹江湖之上。風雨急
而不輟。其音霜雪零而不渝。其色斯賢達之素交。歷
萬古而一遇。逮叔世民訛狙詐。起谿谷不能踰其
險。鬼神無以究其變。競毛羽之輕翹。刀錐之末。於是
素交盡。利交興。

韓子曰。今天平居里巷相慕悅。酒食游戲相徵逐。詭

詡強笑語。以相取下。握手出肺腑相示。指天日涕泣。誓生死不相背負。真若可信。一旦臨小利害。僅如毛髮。比反眼。若不相識。落陷穽。不一引手救。擠之而又下石焉者。皆是也。

周子曰。天地間至尊者道。至貴者德而已矣。至難得者人。而至難得者。道德有於身而已矣。求人至難得者。有於身。非師友則不可得也。已。○道義者。身有之。則貴且尊。人生而蒙長無師友。則愚。是道義由師友有之。由師友而得貴且尊。其義不亦重乎。其聚不

亦樂乎。

程子曰。朋友講習。莫如相觀而善。近世以相歡洽為相與。以無圭角為相歡愛。如此者。安能久。若要久。須以恭敬。君臣朋友。皆當以敬為至也。

胡宏曰。能攻人寔病者。至難也。能受人寔攻者。為尤難。人能攻我寔病。我能受人寔攻。朋友之義。其庶幾乎。

黃榦曰。朋者。人類之中。志同而道合者也。故曰天敘有典。此豈人力也哉。君臣父子夫婦長幼。一失其序。

則天典不立。人道化為夷狄矣。朋友道絕。則此四者。雖欲各居其分。不可得也。然則朋友者。列於人倫。而又所以綱紀人倫者也。陽明子曰。孔子大聖。尚賴三益之資。致三損之戒。吾儕從事於學。顧隨俗同污。不思輔仁之友。欲求致道。無是理矣。

虚心

咸象曰。山上有澤。咸。君子以虛受人。書曰。稽於衆。舍己從人。

大雅抑曰。民之靡盬。誰夙知而莫成。

學記曰。學然後知不足。教然後知困。知不足。然後能自反也。知困。然後能自強也。

關尹子曰。枯龜無我。能見大知。磁石無我。能見大力。鍾鼓無我。能見大音。

尹文子曰。矜者不立。奢者不長。強梁者死。滿足者亡。飄風暴雨。不能終日。故三皇五帝。有戒之器。命曰侑卮。其冲即正。其盈即覆。服此道者。不欲盈。夫唯不盈。其弊不成。

荀子曰。見善脩然。必以自存也。見不善愀然。必以自省也。善在身。介然必以自好也。不善在身。菑然必以自惡也。○目不兩視而明。耳不兩聽而聰。

淮南子曰。文王智而好問。故聖。武王勇而好問。故勝。夫乘衆人之智。則無不聖也。用衆人之力。則無不勝也。○方船濟乎江。有虛舟從西方來。觸而覆之。雖有伎心。必無怨色。有一人在其中。一謂張之。一謂歛之。之再三呼而不應。必以醜聲隨其後。向不怒而今怒。向虛而今實也。

齊丘子曰。游雲無質。故五色含焉。明鏡無瑕。故萬物象焉。夫百步之外。鏡則見人。人不見鏡。斯為驗也。

譚子曰。鏡非求鑒於物。而物自投之。橐非求飽於器。而器自實之。是故鼻以虛受臭。耳以虛受聲。目以虛受色。舌以虛受味。所以心同幽冥。則無物不受。

劉子曰。瞽無目。而耳可以察。專於聽也。聵無耳。而目可以聞。專於視也。

陳思王上魏文帝曰。不別荆棘者。慶雲之惠也。士子均養者。鳴鳩之仁也。舍罪責功者。明君之舉也。矜愚

愛能者。慈父之情也。

王昶曰。人或毀已。當退而求之於身。若已有可毀之行。則彼言當矣。若已無可毀之行。則彼言妄矣。當則無怨於彼。妄則無害於身。又何及報焉。

宋頴廷之廷誥文曰。從事于人者。無一人我之心。不以已之所善謀人。為有明矣。不以人之所務失我。能有守矣。已所謂然而彼定不然。奕棋之蔽也。悅彼之可而忘我不可。學顰之蔽也。

唐柳玭戒子曰。夫士君子生於世。已無能而望他人用。已無善而望他人愛。猶農夫鹵莽種之。而怨天澤不潤。雖欲勿餒可乎。

宋周子曰。無欲則靜。虛動直。靜虛則明明。明則通。動直則公。公則溥。明通公溥。庶矣乎。

蘓子曰。古之聖人。將有為也。必先處晦而觀明。處靜而觀動。則萬物之情。畢陳於前。

蘓頌對神宗曰。人主聰明不可有所嚮。有則偏。偏則為患大矣。唯應之以無心。則無不治。

張子曰。虛心。然後能盡心。心既虛。則公平。公平。則是

非較然易見。當為不當為之事自知。○有不知則有知。無不知則無知。是以鄙夫有問。仲尼竭兩端而空。空易無思無為。受命乃如響。聖人一言盡天下之道。雖鄙夫有問。必竭兩端而告之。

李氏曰。虛一而靜。心方實。則物乘之。物乘之則動。心方動。則氣乘之。氣乘之則惑。惑斯不一矣。則喜怒哀樂。皆不中節矣。

朱子曰。中有主則實。實則外患不能入。有主則虛。虛則外邪不能入。故則自虛靜。故邪不得而奸之也。

陸氏曰。今夫瓶罍有水。實內。則雖江河之浸。無所能入。安得不虛。無水於內。則停注之水。不可勝注。安得不實。大凡人心不可二用。用於一事。則他事更不能入者。事為之主也。事為之主。尚無思慮紛擾之患。若主於敬。又焉有此患乎。

高皇語學士朱善曰。君子揚人之善。不矜己之善。貸人之過。不貸己之過。

成廟語侍臣曰。昔楚莊王謀事而當。群臣莫能逮。朝而有憂色。魏武侯謀事而當。群臣莫能逮。朝而有喜

古今類用
心。夫一喜一憂得失判焉。喜者矜其所長。憂者憂其所不足。矜其所長則志滿。志滿則驕。驕則淫。淫敗日。至矣。憂其不足則志下。志下必能虚心而受人。則人孰不樂告以善道。

拘虛悟言曰。山虛而雲生。谷虛而泉出。有所受也。君子虛以受人。故能聚天下之善而時出之。

王陽明曰。專涵養者。日見其不足。專識見者。日見其有餘。日不足者。日有餘矣。日有餘者。日不足矣。

謹言

頤象曰。君子以慎言語。節飲食。○咸爻曰。咸其輔頰舌。○家人象曰。君子以言有物。而行有恒。○困彖曰。有言不信。尚口乃窮也。○艮爻曰。艮有輔。言有序。悔亡。○繫辭曰。擬之而後言。議之而後動。擬議以成其變化。○君子居其室。出其言善。則千里之外應之。况其邇者乎。居其室。出其言不善。則千里之外違之。况其邇者乎。○亂之所生也。則言語以為階。○易其心而後語。○將叛者。其辭慙。中心疑者。其辭枝。吉人之辭寡。躁人之辭多。誣善之人。其辭游。失其守者。其辭

屈

禹謨曰。惟口出好興戎。朕言不再。○說命曰。惟口起羞。○洪範曰。言曰從。從作乂。○皇極之敷言。是彝是

訓。

雨無正曰。哀哉。不能言。匪舌是出。音脆維躬是瘁。哿矣

能言。巧言如流。俾躬處休。言能諂諛始可容身刺也○巷伯曰。緝

緝翩翩。謀欲譖人。慎爾言也。謂爾不信。○賓之初筵

曰。匪言勿言。匪由勿語。由醉之言。俾出童羖。也罰○匪

言不能胡斯畏忌。○大雅板曰。辭之輯矣。民之洽矣。

辭之懌矣。民之莫矣。○抑曰。無易由言。無曰苟矣。莫

捫朕舌。言不可逝矣。無言不讎。無德不報。○慎爾出

話。○白圭之玷。尚可磨也。斯言之玷。不可為也。○都

人士曰。出言有章。○小弁曰。君子無易由言。耳屬於垣。

左傳曰。君子之言。信而有徵。故遠怨於其身。小人之

言。僭而無徵。故怨咎及之。

曲禮曰。鸚鵡能言。不離飛鳥。猩猩能言。不離禽獸。人

而無禮。雖能言。不亦禽獸之心乎。○禮器曰。出言不

以禮。弗之信矣。○表記曰。有其容。則文以君子之辭。

方解一事當列
言好屬心。事以
多言不可與速也。
多言不可與處。
田中之海流。入海
附耳之言。同於子
里。行舍其年
言去其辨。行
欲先人言。欲後人

論衡曰。君子言堂滿堂。言室滿室。如正是之言。出堂
之人。皆以為希聞而聽之。然後乃滿。如非正是人之
垂而厭之。安得而滿。言不可不慎也。

徐幹中論曰。君子之於言。所出貴也。如夏后之璜。商

湯之輅。安得常有。○言以求道之中。苟非其中。雖美

說。何異乎鴟之好鳴。音錐。王鴟也。鐸之喧譁哉。

曹子傳曰。鳥鳴之惡。自取滅。人言之惡。自取憎。昔荆

之梟。將巢于吳。鳩遇而問之。梟曰。荆人惡子。鳩曰。子

不能革子之音。吳楚同之也。鳥羽猶以惡聲見異。况

于人乎。慎之慎之。

三國管寧曰。潛龍以不見為德。言非其時。皆招禍之

道也。

宋顏延之廷誥文曰。言高一世。處之逾默。器重一時。

體之滋冲。不以所能干衆。不以所長議物。

范泰疾疫表曰。言動於心。道敷自遠。桑穀生朝而殞。

熒惑犯心而退。

北史魏收戒子姪曰。聖人之諾已也。先論其理義。計

其可否。義則諾。不可則已。故其諾未嘗不信也。周廟

古今類賦 卷六
之人。三緘其口。漏卮在前。歌器在後。

唐徐伯彥樞機論曰。言者德之柄。行之主。志之端。身之文也。君子之樞機。動則物應。得失之見也。可以濟身。亦以覆身。否泰榮辱一係之。能審思而應。精慮而動。擇其交以後談。則悔吝何由而生。怨惡何由而至。宋張詠曰。事君者。庶不言貧。勤不言苦。忠不言已效。公不言已能。

畢仲游貽書戒蘇軾曰。孟軻不得已而後辯。孔子欲無言。古人所以深謀極慮。固功業而養壽命者。未嘗不由乎此。夫言語之累。不特出口者為言。其形於詩歌贊于賦頌。托于碑銘。著於序記者。亦言語也。今知畏於口。而不知畏於文。是其所是。則見是者喜。非其所非。則蒙非者怨。喜者未必能濟君之謀。而怨者或已敗君之事矣。天下論君之文。如孫臏之用兵。扁鵲之治病。固所指名者矣。雖無是非之言。猶有是非之疑。又况其有耶。

吳氏曰。言心聲也。故知言者。觀言以知其心。世亦有巧偽之言。險也而言易。躁也而言澹。貪戀也而言閒。

古今類用 卷六
適意其言之可以欺人也。然人觀其易澹閒適之言。而洞照其險躁貪戀之心。則人不可欺也。而言豈可偽哉。

司馬氏曰。言不可不重也。子不見鍾鼓乎。夫鍾鼓叩之。然後鳴。鏗音鏗訇鏗。銘人。不以為異也。若不叩。自鳴。人誰不謂之歿耶。可以言而不言。猶叩之而不鳴也。亦為廢鍾鼓矣。

程子曰。聖人之言。遠如天。近如地。其遠也。若不可得。而及其近也。亦可得而行。○凡立言。欲含蓄意思。不使知德者厭。無德者惑。○言愈多。於道未必明。故言以簡為貴。

薛文清曰。不可乘喜而多言。不可乘快而易事。南山素言曰。古之言也。心之聲。今之言也。口之聲。古之文也。言之文。今之文也。文之文。今之心。亦有異於古之心乎。

慎行

乾文言曰。庸言之信。庸行之謹。○象曰。終日乾乾。與時偕行。○坤文言曰。君子敬以直內。義以方外。敬義

立而德不孤。直方大，不習無不利。剛不疑其所行也。
○履象曰：素履之往，獨行願也。○其爻曰：視履考祥，其旋元吉。○無妄象曰：無妄之往，何之矣。天命不祐，行矣哉。○大過象曰：君子以行過乎恭。○艮象曰：時止則止，時行則行，動靜不失其時，其道光明。○繫辭曰：聖人有以見天下之動，而觀其會通，以行其典禮。○言行君子之樞機，樞機之發，榮辱之主也。言行，君子之所，所以動天地也。可不慎乎。○非所困而困焉，名必辱。非所據而據焉，身必危。○君子藏善於身，待時

而動，何不利之有。動而不括，是以出而有獲。語成器而動者也。○君子安其身而後動。○危以動，則民不與也。

禹謨曰：敬脩其可願。○臯陶謨曰：慎厥身，脩思永。○湯誥曰：無從匪彝，無即怙淫。○太甲曰：予小子不明于德，自底不類，欲敗度，縱敗禮，以速戾于厥躬。○說命曰：慮善以動，動惟厥時。○泰誓曰：我聞吉人為善，惟日不足；凶人為不善，亦惟日不足。○洪範曰：惟皇作極，有猷，有為，有守。○蔡仲命，王曰：惟爾率德改行。

克慎厥猷。爾尚蓋前人之愆。惟忠惟孝。爾乃邁迹自
身。克勤無怠。以垂憲乃後。

鹿鳴曰。人之好我。示我周行。○抑曰。順德之行。○白
華曰。人之無良。二三其德。○鼓鍾曰。淑人君子。其德
不回。

左傳曰。明恕而行。要之以禮。○君子動則思禮。行則
思義。不為利回。不為義疚。

曲禮曰。敦善行而不怠。○玉藻曰。山立時行。顛實揚
休。克實于內而○表記子曰。君子過言。則民作辭。過
休見于外

動則民作則。故君子言不過辭。動不過財。百姓不命
而恭敬。○耻名之浮于行也。是故君子不自大其事。
不自尚其功。以求處情。過行去聲弗率。以求處厚。○后
稷之為烈也。豈一手一足哉。欲行之浮于名也。故自
謂便人。

家語魯人有獨處室者。隣之嫠婦趨而托焉。不納。婦
人曰。子何不如柳下惠。魯人曰。柳下惠則可。吾固不
可。吾將以吾之不可。學柳下惠之可。子聞之曰。欲學
柳下惠。未有似於此者。期於至善而不襲其為。不可

古今類用 卷六
謂智乎。

荀子曰。昔者瓠巴鼓瑟而流魚出聽。伯牙鼓瑟而六馬仰秣。故聲無小而聞。行無隱而不形。○君子行不貴苟難。說不貴苟察。名不貴苟專。惟其當之為貴。○其為人。也多暇日。其出人也。不遠矣。○天不為人之惡寒也。而輒冬。地不為人之惡遠也。而輒廣。君子不為小人。匈匈也。而輒行。

淮南子曰。聖人不為可非之行。不憎人之非已也。脩是譽之德。不求人之譽已也。不能使禍不至。信已之。不迎也。不能使福必來。信已之不攘也。○君子不入獄。為其傷恩也。不入市。為其挫廉也。蹟不可不慎者也。

韓詩外傳曰。遇君。則脩臣下之義。出鄉。則脩長幼之義。遇長老。則脩弟子之義。遇等夷。則脩朋友之義。遇少而賤者。則脩告道寬裕之義。

卮辭曰。毋以智術殺身。毋以政術殺人。毋以業術殺子孫。毋以學術殺天下。

史。趙良曰。反聽之謂聰。內視之謂明。自勝之謂強。

東方朔曰。苟能脩身。何患不榮。太公體行仁義。七十有二。乃設用於文武。得信音厭說。封於齊。七百歲而不絕。此士所以日夜孳孳。脩學敏行。而不敢怠也。譬若鶡鴠。飛且鳴矣。飛且鳴。喻孜孜。○天有常度。地有常形。君子有常行。君子道其常。小人計其功。

司馬遷曰。脩身者。智之符也。愛施者。仁之端也。取予者。義之表也。耻辱者。勇之決也。立名者。行之極也。士有此五者。然後可以托於世。而列於君子之林矣。董昭曰。孝者不背親。以要利。仁者不忘君。以徇私。志

士不探亂以徼倖。智者不詭道以自危。

晉嵇康曰。君子之行。賢也。不察於度。而後行也。任心

無邪。不議於善。而後正也。顯情無措。不論於是。而後

為也。是故音微行。然志賢。而賢與度會。忽然無心。

而心與善遇。儻然無措。而事與是俱也。

孫思邈曰。養性必先。知自慎也。慎以畏為本。故士無

畏。則簡仁義。農無畏。則墮稼穡。工無畏。則慢規矩。商

無畏。則貨不殖。子無畏。則忘孝。父無畏。則廢慈。臣無

畏。則勲不立。君無畏。則亂不治。是以太上畏道。其次

古今類賦 卷六
畏天。其次畏物。其次畏人。其次畏身。

周子曰。聖人之道。入乎耳。存乎心。蘊之為德行。行之為事業。彼以文辭而已者。陋矣。○聖人之道。仁義中正而止矣。守之貴。行之利。廓之配天地。豈不易簡。豈為難知。不守不行。不廓耳。○動而正曰道。用而和曰德。匪仁匪義。匪禮匪智。匪信。悉邪也。邪動。辱也。甚焉。害也。故君子慎動。

張子曰。尊其所聞。則高明。行其所知。則光大。○制行以已。非所以同乎人。必物之同者。已則異矣。必物之

是者。已則非矣。○易簡理得。則知幾。知幾。然後經可正。天下之達道五。其生民之大經乎。經正。則道前定。事豫立。不疑其所行。利用安身之要。莫先焉。

薛文清曰。勿恃其不攻。恃吾有所不可攻。非特兵法為然。蓋可以為防小人之法。

蒙泉雜言曰。天雖生才。才者未必成。君子則力學以成之。未嘗以已而負天。世實須才。才者未必用。君子則委時以待之。未嘗因天而遺已。

聖人為善如水之必寒。火之必熱。不為不善如騶虞之不殺。竊

古今類用
脂之不毅

卷六

三



